

Siunnersuut uunga: Utaqqalinersiaqarnek pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut (Utoqqalinersiaqartunut utoqqalinersiat toqqammaviusut qaffanneqarneri, utoqqalinersiat qaffasinnerpaat qaffanneqarneri aamma ilanngaassinnginnermi aningaasat tigummiinnagassat qaffanneqarneri)

(Isumaginninnermut Sulisoqarnermullu Naalakkersuisoq)

Akissuteqaat

(Isumaginninnermut Sulisoqarnermullu Naalakkersuisoq)

Pingajussaanneerinnineq

Aallaqqaammut Ilaqutariinnermut Peqqissutsimullu Ataatsimiititaliaq isumaliuutissiissummut pissarsiaqarfiusumut tunniunneqartumullu Naalakkersuisut sinnerlugit qujassuteqassaanga.

Utoqqalinersiaqartut siusinaartumillu pensionisiaqartut atugarisaannik pitsanngorsaannissaq siunertaralugu Inatsisartuni amerlanerussuteqarluartumik aalajangiinnermit siunnersuummik atuutilersitsineruvoq.

Inatsisartuni siunnersuummik siullermeerinninnermi aappassaanneerinninnermilu oqaatigineqartut Naalakkersuisuni nalunngilarput, utoqqalinersialinnut attartorlutik najugaqartunut ineqarnermut tapiissutit sunnerneqarumaartut.

Utoqqalinersiallit tamarmik utoqqalinersiani aningaasanik amerlanerusunik pissarsissapput, kisianni attartorlutik najugaqartut ineqarnermut tapiissutinik annikinnerusumik ilanngaatsittassallutik.

Tamatuma saniatigut eqqaasariaqarpoq, naatsorsuutit tamarmik takutimmassuk, siunnersuut tunngavigalugu utoqqalinersiaqartut kalluarneqartut tamarmik aningaasat atorsinnaasaat amerlissammata.

Ilaqutariinnermut Peqqissutsimullu Ataatsimiititaliamit isumaliuutissiissut tunniussaanni eqqaaneqarpoq, utoqqalinersiaqartup aapparisaata isertitaanit utoqqalinersiaqartup utoqqalinersiaata amerlassusaat sunnerneqarsinnaasoq.

Tamanna ullumikkut atuutereerpoq pisortanit ikiorsiissutinik pisartagaqartuni innuttaasut imminnut pilersuisussaataitaneranni.

Inooqatigisamat pilersuisussaataitaneq pillugu oqaloqatigiinnissaq Naalakkersuisut qilanaarivaat.

Taamatut oqaaseqarluta Naalakkersuisut siunnersuut pingajussaanneerneqarnissaanut tunnipparput.